

水經注卷三十八

漢 桑 欽 撰



後魏 酈 道元 注

資水 漣水 湘水

灑水 溱水

資水出零陵都梁縣路山

資水出武陵郡無陽縣界唐紆山蓋路山之別名也謂之大谿水東北逕郡陵郡武岡縣南縣分都梁之所置也縣左右二岡對峙重岨濟秀間可二

水經注 卷三十八 一

里舊傳後漢伐五谿蠻蠻保此岡故曰武岡縣卽其稱焉大谿逕建興縣南又逕都梁南漢武帝元朔五年以封長沙定王子敬侯定之邑也縣西有小山山上有淳水既清且淺其中悉生蘭草綠葉紫莖芳風藻川蘭馨遠馥俗謂蘭爲都梁山因以號縣受名焉

東北過夫夷縣

夫水出縣西南零陵縣界少延山東北流逕扶陽縣南本零陵之夫夷縣也漢武帝元朔五年以封

朱云芳風藻川俊甚麗甚譚云風字着得妙八字中有芳馨馥三不覺其妙見遣用之妙

長沙定王子敬侯義之邑也夫水又東注邵陵水
謂之邵陵浦口水也水當作浦

東北過邵陵縣之北

縣治郡下南臨大谿水逕其北謂之邵陵水魏咸
熙二年吳寶鼎元年孫皓分零陵北部立邵陵郡
於邵陵縣縣故邵陵也谿又東得高平水口水出
武陵郡沅陵縣首望山西南流高平縣南又東入
邵陵縣界南入于邵水邵水又東會雲泉水水出
零陵永昌縣雲泉山西北流逕邵陵南縣故昭陽
水經注

卷三十八 二

也昭陽疑作昭陵漢志雲泉水又北注邵陵水謂

之邵陵水口自下東北出益陽縣其間逕流山峽
名之為茱萸江蓋水變名也

又東北過益陽縣北

縣有關羽瀨所謂關侯灘也南對甘寧故壘昔關
羽屯軍水北孫權令魯肅甘寧拒之於是水寧謂
肅曰羽聞吾咳唾之聲不敢渡也渡則成擒矣羽
夜聞寧處分曰興霸聲也遂不渡茱萸江又東逕
益陽縣北又謂之資水應劭曰縣在益水之陽今

譚云此仇敵
相知處
鍾云英雄虛
心此不則
□□□□矢

譚云一幅小
景聲情俱出

無益水亦或資水之殊目矣然此縣之左右處處
有深潭漁者咸輕舟委浪謠詠相和羅君章所謂
其聲綿邈者也水南十里有井數百口淺者四五
尺或三五丈深者亦不測其深古老相傳昔人以
杖撞地輒便成井或云古人采金沙處莫詳其實
也

又東與沅水合於湖中東北入于江也

湖卽洞庭湖也所入之處謂之益陽江口

漣水出連道縣西資水之別

水經注

卷三十八

三

水出邵陵縣界南逕連道縣縣故城在湘鄉縣西
一百六十里控引衆流合成一谿東入衡陽湘鄉
縣歷石魚山下多玄石山高八十餘丈廣十里石
色黑而理若雲母開發一重輒有魚形鱗鱗首尾
宛若刻畫長數寸魚形備足燒之作魚膏腥因以
名之漣水又逕湘鄉縣南臨漣水本屬零陵長沙
定王子昌邑漢書王子昌爲湘鄉侯疑非定王子也
漣水又屈逕其縣東而入湘南縣也

東北過湘南縣南又東北至臨湘縣西南東入于湘

□□綿幕
□石魚二字
□恐說不全
□中續此
□不厭多
處

漣水自湘南縣東流至衡陽湘西縣界入于湘水也於臨湘縣爲西南者矣

湘水出零陵始安縣陽海山

卽陽朔山也應劭曰湘出零陵山蓋山之殊名也山在始安縣北縣故零陵之南部也魏咸熙二年孫皓之甘露元年立始安郡湘灘同源分爲二水南爲灘水北則湘川東北流羅君章湘中記曰湘水之出於陽朔則觴爲之舟至洞庭日月若出入於其中也

水經注

卷三十八

四

東北過零陵縣東

越城嶠水南出越城之嶠嶠卽五嶺之西嶺也秦置五嶺之戍是其一焉北至零陵縣下注湘水湘水又逕零陵縣南又東北逕觀陽與觀水合水出臨賀郡之謝沐縣界西北逕觀陽縣西縣蓋卽水爲名也又西北流注于湘川謂之觀口也

又東北過洮陽縣東

洮水出縣西南大山東北逕其縣南卽洮水以立稱矣漢武元朔五年封長沙定王子靖侯狗彘爲

譚云莊生阿
瞞之語供其
收縱
朱云小言致
語自是道元
長技如此氣
口語亦不可
多得

堯古人之不
拘如此

朱云羅含湘
中記曰九疑
山在營道縣
九山相似行
者疑惑故名
九疑酈注特
構俊語便勝
前文

又東北過泉陵縣西

侯國年舊本作洮陽侯史記按漢書表作狩燕而史記
燕將王莽更名之曰洮治也其水東流注于湘水

營水出營陽泠道縣南流山西流逕九疑山下磐

碁當作蒼梧之野峯語曠而約數郡之間羅巖九舉各導

一谿岫壑負岨異嶺同勢遊者疑焉故曰九疑山

大舜窆其陽商均葬其陰山南有舜廟前有石碑

文字缺落不可復識自廟仰山極高直上可百餘

里古老相傳言未有登其峯者山之東北泠道縣

水經注 卷三十八 五

界又有舜廟縣南有舜碑碑是零陵太守徐儉立

營水又西逕營道縣馮水注之水出臨賀郡馮乘

縣東北馮岡其水導源西北流縣馮谿以託名焉

為水帶約衆流渾成一川謂之北渚歷縣北西至

關下關下地名也是商舟改裝之始馮水又左合

萌渚之水水南出于萌渚之嶠五嶺之第四嶺也

其山多錫亦謂之錫方矣渚水北逕馮乘縣西而

北注馮水馮水又逕營道縣而右會營水營水又

西北屈而逕營道縣西王莽之九疑亭也營水又

譚云該簡澹
蕩記中偏少
此不着意色
之語

東北逕營浦縣南營陽郡治也魏咸熙二年吳孫
皓分零陵置在營水之陽故以名郡矣營水又北
都谿水注之水出春陵縣北二十里仰山南逕其
縣西縣本泠道縣之春陵鄉蓋因春谿爲名矣漢
長沙定王分以爲縣武帝元朔五年封王中子買
爲春陵節侯縣故城東又有一城東西相對各方
百步古老相傳言漢家舊城漢稱猶存知是節侯
故邑也城東角有一碑文字缺落不可復識東南
三十里尚有節侯廟都谿水又南逕新縣東縣東
水經注 卷三十八 六

傍都谿谿水又西逕縣南左與五谿俱會。縣有五。
山。山有一谿五水會于谿門。初學記引此注
作會于縣門故曰
都谿也。都谿水自縣又西北流逕泠道縣北與泠
水合水南出九疑山北流逕其縣西南縣指泠谿
以卽名王莽之泠陵縣也冷水又北流注於都谿
水又西北入于營水谿水又北流注于營陽峽又
北至觀陽縣而出於峽矣大小二峽之間爲泠派
之極艱矣營水又西北逕泉陵縣西漢武元朔五
年以封長沙定王子節侯賢之邑也王莽名之曰

譚云善用水者能反客為主如此

譚云是真惠
□□真衆人
之母禁殺代
出錢已難得
衣言錢得除
更難得凡行
好事者當知
此後一者

溥潤零陵郡治故楚矣漢武帝元鼎六年分桂陽	置太史公曰舜葬九疑實惟零陵或作零郡郡取	名焉王莽之九疑郡也下邳陳球爲零陵太守桂	陽賊胡蘭攻零陵激流灌城球輒於內因地勢反	決水淹賊相拒不能下 <small>後漢書陳球字伯真下邳人官侍御史桂陽黠賊</small>	<small>冠鈔反荆郢以球爲零陵太守賊虜球弦大而弓羽朱蓋等與桂陽賊胡蘭轉攻零陵球復激流灘</small>	<small>爲矢引機發之遠射千步多所殺傷賊復激流灘城球於內輒反決水淹賊會中郎將度尚將救兵</small>	<small>至遂共斬</small> 縣有白土鄉零陵先賢傳曰鄭產字景	破蓋等	載泉陵人也爲白土嗇夫漢末多事國用不足產	水經注	卷三十八	七	子一歲輒出口錢民多不舉子產乃勅民勿得殺	子。口。錢。當。自。代。出。產言其郡縣爲表上言錢得除	更名白土爲更生鄉也晉書地道志曰縣有香茅	氣甚芬香言貢之以縮酒也營水又北流注于湘	水湘水又東北與應水合水出邵陵縣歷山嵯嶺	嶮岨峻嶸萬尋澄淵湛于下應水湧於上東南流	逕應陽縣南晉分觀陽縣立蓋卽應水爲名也應	水又東南流逕有鼻墟南王隱曰應陽縣本泉陽	之北步東五里有鼻墟言象所封也山下有象廟
---------------------	---------------------	---------------------	---------------------	--	---	---	-------------------------------------	-----	---------------------	-----	------	---	---------------------	----------------------------	---------------------	---------------------	---------------------	---------------------	---------------------	---------------------	---------------------

譚云前卷釋化虎事謂革狀安知譎變生人死鬼亦革狀耳何其闕此通互

譚云掉君章一語翻令不飛之鷺亦常若飛妙甚

朱云注中此例最多如帶約衆流控引衆流等小易其文無甚異處至衆川瀉口忽改一法而工構獨絕譚云此龍不欲藉口於人口注水則雨亦口以穢物激之之法同

<p>言甚有靈能興雲雨余所聞也聖人之神曰靈<small>口</small>人之精氣爲鬼象生不惠死靈何寄乎應水又東南流而注于湘水湘水又東北得洏口水出永昌縣北羅山東南流逕石鷺山東其山有石紺而狀鷺因以名山其石或大或小若母子焉及其雷風相薄則石鷺羣飛頡頏如真鷺矣羅君章云今鷺不必復飛也其水又東南逕永昌縣南又東流注于湘水又東北逕祁陽縣南又有餘谿水注之水出西北邵陵郡郡陵縣東南流注于湘其水濁揚</p>	<p>水經注  卷三十八 八</p>	<p>清汎濁水色兩分湘水又北與宜谿水合水出湘東郡之新寧縣西南新平故縣東<small>宋書州郡志云</small></p>	<p><small>太平二年分長沙東部但有尉立晉世七縣宋孝武</small></p>	<p><small>陰山</small>新寧故新平也衆川瀉浪共成一津西北流東</p>	<p>岍山下有龍穴宜水逕其下天旱則擁水注之便有雨降宜水又西北注于湘湘水又西北得春水</p>	<p>口水承營陽春陵縣西北潭山又北逕新寧縣</p>	<p>東又西北流注于湘水也</p>	<p>又東北過重安縣東又東北過酃縣西承水從東南</p>
---	---	--	--	--	---	---------------------------	-------------------	-----------------------------

來注之

承水出衡陽重安縣西邵陵縣界邪薑山東北流
 至重安縣逕舜廟下廟在承水之陰又東合略塘
 相傳云此塘中有銅神今猶時聞銅聲於水水輒
 變淥作銅腥魚爲之死承水又東北逕重安縣南
 漢長沙頃王子虔邑也王子虔漢表作鍾武節侯故零陵之
 鍾武縣王莽更名曰鍾桓也武水入焉水出鍾武
 縣西南表山東流至鍾武縣故城南而東北流至
 重安縣注于承水至湘東陵承縣北漢志承陽

水經注

卷三十八

九

故名讀若烝屬長沙國後漢志作烝陽屬湘東郡東注于
 零陵郡晉志宋志俱作烝

湘謂之承口臨承即故酃縣也縣即湘東郡治也
 郡舊治在湘水東故以名郡魏正元二年吳主孫
 亮分長沙東部立縣有石鼓高六赤湘水所逕鼓
 鳴則土有兵革之事羅君章云扣之聲聞數十里
 此鼓今無復聲觀陽縣東有裴巖其下有石鼓形
 如覆舩扣之清響遠徹其類也湘水北又歷印石
 石在衡水縣南江水又有盤石或大或小臨水而
 石悉有跡其方如印纍然行列無文字如此可二

譚云口鼓有
 聲之情

朱盛弘之
荆州記曰衡
山有三峰極
秀一名芙蓉
峰最爲竦傑
峰上有泉飛
派如一幅絹
分映青林直
注山下注名
容峰似誤

鍾云只八字
情理曲折當
□小記

水經注

卷三十八

十

里許因名爲印石也。湘水又北逕衡山縣東山在西南有三峰一名紫蓋一名容峯。容峯最爲竦傑。自遠望之蒼蒼隱天。故羅含云望若陣雲。非清霽素朝不見其峯。丹水湧其左。澧泉流其右。山經謂之岫嶁山爲南嶽也。山下有舜廟。南有祝融冢。楚靈王之世山崩毀其墳。得營丘九頭圖。治洪水。血馬祭山。得金簡玉字之書。容峯之東有仙人石室。學者經過往往聞諷誦之音矣。衡山東南二面臨映湘川。自長沙至此江湘七百里。中有九背。故漁者歌曰帆隨湘轉望衡九面。九疑含湘中。記云衡山此衡山。如陣雲沿湘千里。正與向九背。乃不復見。九疑注山。所引漁歌九面。正與向九背。叶。卽羅含九疑。誤。義。宋本自耳。山上有飛泉下注。下映青林。直注山下。望之若幅練在山矣。湘水又東北逕湘南縣東。又歷湘西縣南。分湘南置也。衡陽郡治魏正元三年。吳孫亮分長沙西部立治湘南太守。何承天徙郡湘西矣。十三州志曰日華水出桂陽郴縣華山。西至湘南縣入湘。地理志曰郴縣有來水出來山。西至湘南西入湘。漢地理志西至湘南入湖。湘水又

北逕麓山東其山東臨湘川西傍原隰息心之士
多所萃焉

又東北過陰山縣西泚水從東南來注之又北過澧
陵縣西澧水從東注之

續漢書五行志曰建安八年長沙醴陵縣有大山
常鳴如牛吼聲

宋本
作如
啣聲

積數年後豫章賊攻沒縣

亭殺掠吏民因以爲侯湘水又北逕建寧縣而傍
湘水縣北有空冷峽驚浪雷奔濬同三峽湘水又
北逕建寧縣故城下晉太始中立

水經注

卷三十八

十一

又北過臨湘縣西瀏水從縣西北流注之

縣南有石潭山湘水逕其西山有石室石牀臨對
清流水又北逕昭山西山下有旋泉深不可測故
言昭潭無底也亦謂之曰湘州潭湘水又北逕南
津城西西對橘洲或作吉字爲南津洲尾水西有
橘洲子戍疑洲作橘故郭尚存湘水又北左會瓦官
水口湘浦也文逕舩官西湘州商舟之所次也北
對長沙郡郡在水東州城南舊治在城中後乃移
此湘水左逕麓山東上有故城山北有白露水口

水經注

卷三十八

十二

湘浦也又右逕臨湘縣故城西縣治湘水濱臨川側故卽名焉王莽改號撫陸故南境之地也秦滅楚立長沙郡卽青陽之地也秦始皇二十六年荆王獻青陽以西漢書鄒陽傳曰越水長沙還舟青陽注張晏曰青陽地名也蘇林曰青陽長沙縣也漢高祖五年以封吳芮爲長沙王是城卽芮築也漢景帝二年封唐姬子發爲王都此王莽之鎮蠻郡也於禹貢則荆州之域晉懷帝以永嘉元年分荆州湘中諸郡立湘州治此城之內郡廨西陶侃廟云舊是賈誼宅地中有一井是誼所鑿極小而深上斂下大其狀似壺傍有一、脚石牀纔容一人坐形流俗相承云誼宿所坐牀又有大柑樹亦云誼所植也城之西北有故市北對臨湘縣之新治縣治西北有北津城縣北有吳芮冢廣踰六十八丈登臨寫目爲塵郭之佳憩也郭頒世語云魏黃初末吳人發芮冢取水於縣立孫堅廟見芮尸容貌衣服並如故吳平後預發冢人於壽春見南蠻校尉吳綱曰君形貌何類長沙王吳芮乎但君微

譚云石宅有井有床有柑
□亦足自樂
□必幽憂以

□古相似之
事亦有如其
貌者

短耳綱瞿然曰是先祖也自芮卒至豕發四百年
至見綱又四十餘年矣湘水左合誓口又北得石
榔口並湘浦也右合麻溪水口湘浦也湘水又北
逕三石山東山枕側湘川北卽三石水口也湘浦
水北有三石戍戍城爲二水之會也湘水又逕瀏
口戍西北對瀏水

又北瀉水從西南來注之

瀉水出益陽縣馬頭山東逕新陽縣南晉太康元
年改曰新康矣瀉水又東入臨湘縣歷瀉口戍東

水經注

卷三十八

十三

南注湘水湘水又北合斷口又北則下營口湘浦
也湘水又宋本作左岸有高口水出益陽縣西北逕

高口戍南又西北上鼻水自鼻洲上口受湘西入
焉謂之上鼻浦高水南北與下鼻浦合水自鼻洲
下口首受湘川西通高水謂之下鼻口高水又西
北右屈爲陵子潭東北流注湘爲陵子口湘水自
高口戍東又北右會鼻洲左合上鼻口又北右對
下鼻口又北得陵子口湘水右岸銅官浦出焉湘
水又北逕銅官山西臨湘水山土紫色内含雲母

故亦謂之雲母山也

又北過羅縣西澗水從東來流注之

湘水又北逕錫口戍東又北左派謂之錫水西北流逕錫口戍北又西北流屈而東北注玉水焉水出西北玉池東南流注于錫浦謂之玉池口錫水又東北東湖水注之水上承玉池之東湖也南流于錫謂之三陽逕水南有三戍又東北注于湘湘水自錫口北出又得望屯浦湘浦也湘水又北枝津北謂之門逕也湘水紆流西北東北合門水謂

水經注

卷三十八

十四

之門逕口又北得三谿水口水東承太湖西通湘浦三水之會故得三谿之目耳又北東會大對水口西接三津逕湘水又北逕黃陵亭西又合黃陵水口其水上承太湖湖水西流逕二妃廟南世謂之黃陵廟也言大舜之陟方也二妃從征溺于湘江神遊洞庭之淵出入瀟湘之浦瀟者水清深也湘中記曰湘川清照五六丈下見底石如檣蒲矣五色鮮明白沙如霜雪赤崖若朝霞是納瀟湘之名矣故民爲立祠於水側焉荊州牧劉表刊石立

朱云案記原文湘水至清見底了了然
石子如檣蒲
郡注刪注

譚云賦可却
鬼而夢賦者
乃速爲鬼何
□

譚云同是年
十放處羅江
□玉笥隱此
與是福地

碑樹之於廟以旌不朽之傳矣黃水又西流入于

湘謂之黃陵口昔王子山有異才年二十而得惡

夢作夢賦二十一溺死于湘浦卽斯川矣張華志云博

工光子殿歸渡父湘水溺到泰山從考鮑子真壽一筭字到子魯山賦

靈光殿歸渡父湘水溺到泰山從考鮑子真壽一筭字到子魯山賦

也南郡宜城遂人得東方朔賦與臣曰作臣弱鬼之嘗書臣遂見

鬼物與臣戰遂人得東方朔賦與臣曰作臣弱鬼之嘗書臣遂見

數作賦有一驗篇臣叙不夢後人其詞具古苑中 湘水又北

逕白沙戍西又北右會東町口澗水也湘水又左

合決湖口水出西陂東通湘渚湘水又北汨水注

之水東出豫章艾縣桓山西南逕吳昌縣北與純

水經注  卷三十八 十五

水合水源出其縣東南純山西北流又東逕其縣

南又北逕其縣故城下縣是吳主孫權立純水又

右會汨水汨水又西逕羅縣北本羅子國也故在

襄陽宜城縣西楚文王移之於此秦長沙立郡因

以爲郡縣疑作謂之羅水汨水又西逕玉笥山羅含

湘中記云屈潭之左有玉笥山道士遺言此福地

也一曰地腳山汨水又西爲屈潭卽羅淵也屈原

懷沙自沈於此故淵潭以屈爲名甄烈湘中記云

此山屈平之作九歌棲於昔 賈誼史遷皆嘗逕此弭楫江

波投弔於淵淵北有屈原廟廟前有碑又有漢南
太守程堅碑寄在原廟汨水又西逕汨羅戍南西
流注于湘春秋之羅汨矣世謂汨羅口湘水又北
枝分北出逕汨羅戍西又北逕壘石山東又北逕
壘石戍西謂之苟導逕矣而北合湘水自汨口西
北逕壘石山西而北對青草湖亦或謂之爲青草
山也西對懸城口湘水又北得九口並湘浦也湘
水又東北爲青草湖口右合宋本作會苟逕北口與勞
口合又北得同拌口皆湘浦右迤者也

水經注

卷三十八

十六

又北過下雋縣西微水從東來流注之

湘水左會水清口資水也世謂之益陽江湘水左
逕鹿角山東右逕謹亭戍西又北合查浦又北得
萬浦咸湘浦也側湘浦北有萬石戍湘水左則沅
水注之謂之橫房口東對微湖世或謂之麋湖口
也右屬微水卽經所謂微水經下雋者也西流注
于江謂之麋湖口也水又北逕金浦戍北帶金浦
水湖澹也湘水左則澧水注之世謂之武陵江凡
此四水同注洞庭北北會大江名之五渚戰國策

朱云影浮妙
二字狀畫君

山孤迥而洞
口之大自見
文章中有不
必盡言者此
類是也

水經注

卷三十八

十七

曰秦與荆戰大破之取洞庭五渚也湖水廣圓五
百餘里日月若出沒于其中山海經云洞庭之山
帝之二女居焉沅澧之風交湘之浦出入多飄風
暴雨湖中有君山編山君山有石穴潛通吳之包
山郭景純所謂巴陵地道者也是山湘君之所遊
處故曰君山矣昔秦始皇遭風於此而問其故博
士曰湘君出入則多風秦王乃赭其山漢武帝亦
登之射蛟於是山東北對編山山多簾竹兩山相
次去數十里廻峙相望孤影若浮湖之右岸有山
世謂之笛烏頭石石北右會翁湖口水上承翁湖
左合洞浦所謂三苗之國左洞庭者也
又北至巴丘山入于江

山在湘水右岸山有巴陵故城本吳之巴丘邸閣
城也晉太康元年立巴陵縣於此後置建昌郡宋
元嘉十六年立巴陵郡城跨岡嶺濱岨三江巴陵
西對長洲其洲南廢湘浦北對大江故曰三江也
三水所會亦或謂之三江口矣夾山列關謂之射
獵又北對養口咸湘浦也水色青異東北入于大

江有清濁之別謂之江會也

灑水亦出陽海山

灑水與湘水出一山而分源也湘灑之間陸地廣百餘步謂之始安嶠嶠即越城嶠也嶠水自嶠之陽南流注灑名曰始安水故庾仲初之賦揚都云判五嶺而分流者也灑水又南與爲水合出西北邵陵縣界而東南流至零陵縣西南逕越城西建安十六年交州刺史賴恭自廣信合兵小零陵起城迎步騭即是地也瀉水又東南流注于灑水漢

水經注

卷三十八

十八

書所謂出零陵下灑水者也灑水又南合彈丸谿

水出于彈丸山山有湧泉奔流衝激山崖舊本作嶽

及谿中有石若丸自然珠圓狀彈丸矣故山水即

名焉漢水當作谿水謂東流注于灑水灑水又南

逕始興縣東魏文帝咸熙二年吳孫皓分零陵南

部立始興縣灑水又南右會洛谿谿水出永豐縣

西北洛谿山東流逕其縣北縣本蒼梧之北鄉孫

皓割以爲縣洛谿水又東南逕始安縣而東注灑

水灑水又東南流入熙平縣逕羊瀨山山臨水石

譚云方若印
圓若丸水石
相瀉無正方
圓孰規之矩
之乎

譚云有色口
云當作有石
此亦誤讀楞
嚴矣今點正
便見且下文
節有石色字
更可類證

間有色類羊又東南逕雞瀨山山帶灘水山石色
狀雞故二山以物象受名矣灘水又南得熙平水
口水源出縣東龍山西南流逕其縣南又西與北
鄉谿水合水出縣東北北鄉山西流逕其縣北又
西流南轉逕其縣西縣本始安之扶鄉也孫皓割
以爲縣谿水又南注熙平熙平水又西注于灘水
縣南有朝夕塘水出西南塘水從山下注塘一日
再增再減盈縮以時未嘗愆期同於潮水因名此
潭爲朝夕塘矣灘水又西逕平樂縣界左合平樂
水經注

卷三十八

十九

谿口水出臨賀郡之謝沐縣南歷山西北流逕謝
沐縣西南西南流至平樂縣東南左會謝沐衆谿
派流湊合西逕平樂南孫皓割蒼梧之境立以爲
縣北隸始安谿水又西南流注于灘水謂之平水
南過蒼梧荔浦縣

瀨水出縣西北魯山之東逕其縣西與濡水合出
永豐縣西北濡山東南逕其縣西又東南流入于
荔浦縣注於瀨谿又注于灘水之上有灘水關灘
水又南左合靈谿水口出臨賀富川縣北符靈風

南流逕其縣東又南注于灑水也
又南至廣信縣入于鬱水

溱水出桂陽臨武縣南繞城西北屈東流

溱水導源縣西南北流逕縣西而北與武谿合山
海經曰肆水出臨武西南注于海入番禺西肆水

蓋溱水之別名也武谿水出臨武縣西北桐柏山

東南流右合溱水亂流東南逕臨武縣西謂之武

谿縣側臨谿東因曰臨武縣王莽更名大武也谿

之宋本又本東南流左會黃泠谿水谿水出郴縣黃泠

水經注 卷三十八 二十

山西南流又宋本右合武谿武水又南入重山山名

藍。豪。廣。圓。五。百。里。悉。曲。江。縣。界。崖。壁。峻。岨。巖。嶺。干

天。交。柯。雲。蔚。霾。天。晦。景。謂。之。瀧。中。懸。湍。迴。注。崩。浪

震山名之龍水

東至曲江縣安聶邑東屈西南流

瀧水又南出峽謂之瀧口西岸有任將軍城南海

都尉任囂所築也囂死尉他自龍川始居之東岸

有任將軍廟瀧水又南合泠水泠水東出泠君山

山羣峯之孤秀也晉太元十八年崩千餘丈於是

譚云阿堵物
佛呼之爲毒
虵此足爲證

譚云腥物能
熟生物不死
大奇大奇

水經注

卷三十八

二十一

懸澗瀑挂傾流注壑頽波所入灌於瀧水瀧水右
合林水林水出縣東北洹山王歆始興記曰林水
源裏有室室前磐石上列羅十瓮中悉是餅銀采
伐遇之不得取取必迷悶晉太元初民封驅之家
僕密竊三餅歸發看有大蛇螫之而死湘州記曰
其夜驅之夢神語曰君奴不謹盜銀三餅語用頽即日顯
戮以銀相備視則奴死銀在矣林水自源西流于
瀧水又與雲水合水出縣北湯泉泉源沸湧浩氣
雲浮以腥物投之俄頃即熟其中時南紬赤魚游
之不爲灼也西北合瀧水又有藉水上承滄海水
有島嶼焉其水吐納衆流西北注于瀧水瀧水又
南歷靈鷲山山本名虎郡山羣山疑作虎亦曰虎市山
以虎多暴故也晉義熙中沙門釋僧律葺宇巖阿
猛虎遠跡蓋律仁感所致因改曰靈鷲山瀧水又
南逕曲江縣東又言縣皆號曲江曲山名也東連
岡是矣瀧中有碑文曰按地理志曲江舊縣也王
莽以爲除虜始興郡治魏文帝咸熙二年孫皓分
桂陽南部立縣東傍瀧谿號曰北瀧水水左即東

谿口也水出始興東江州南康縣界石閣山西流而與連水合水出南康縣涼熱山連谿山卽大庾嶺也五嶺之最東矣故曰東嶠山斯則改裝之次其下舩路名漣谿漣水南流注于東谿謂之漣庾仲初謂之大庾嶠水也東谿亦名東江又曰始興水又西邪階水注之水出縣東南邪階山水有別源曰巢頭重嶺衿瀧湍奔相屬祖源一作源雙注合爲一川水側有鼻天子城鼻天子所未聞也山海經堯

子丹朱亦自稱帝謂鼻天子象封有鼻也邪階水又西

水經注 卷三十八 二十二

北注于東江江水又西逕始興縣南又西入曲江縣邸水注之水出浮嶽山山躡一處則百餘步動若在水也因名浮嶽山南流注于東江東江又西與利水合水出縣之韶石北山南流逕韶石下其一作石高百仞廣圓五里兩石對峙相去一里小大略均似雙闕名白韶石古老言昔有二仙分而憇之自爾年豐彌歷一紀利水又南逕靈石下靈石一名逃石高三十丈廣圓五百丈耆舊傳言石本桂陽武城縣兩漢地志桂陽郡但有臨因夜迅雷

之變忽然遷此彼人來見歎曰石乃逃來因名逃石以其有靈運徙又曰靈石其傑處臨江壁立霞駁有若纘焉水石驚瀨傳響不絕商舟淹留聆翫不已利水南注東江東江又西注於北江謂之東江口溱水自此有始興大江之名而南入溱陽縣也

過溱陽縣出淮浦關與桂水合

漢地理志溱陽縣屬桂郡

溱水南逕溱陽縣西舊益縣也王莽之基武矣縣東有溱石山廣圓三十里挺嶸大江之北盤陟長

水經注

卷三十八

二十三

川之際其陽有石室漁叟所憇昔欲於山北開達

郡之路輒有大蛇斷道不果是以今行者

宋本舊本俱作

今者吳本必

有何不

於石室前汎舟而濟也溱水又西南

歷臯口太尉二山之間是曰溱陽峽兩岸傑秀壁

立虧天昔嘗鑿石架閣令兩岸相接以拒徐道覆

溱水出峽左則溱水注之水出南海龍川縣西逕

逕溱縣南右注溱水故應劭曰溱水西入溱是也

溱水又西南注水入焉

溱水郡中宿縣有溱浦山

海經所謂沚水出桂陽西北東南注肆入郭浦西

朱云王龍標
詩肅肅松栢
下諸天來有
時是注中虛
肅二字疏語
鍾云虛肅二
字是儲光羲
諸宮觀詩之
神
譚云梓石橋
浦得此藤爲
三

者也。溱水又西南逕中宿縣會一里水，其處隘，名之爲觀岐。連山交枕，絕岸崖一作壁竦，下有神廟背

阿面流。壇宇虛肅，廟渚攢石巉巖，亂峙中川。時水

洊至，鼓怒沸騰，流水淪沒，必無出者。世人以爲河

伯下林西陽雜俎引此爲河伯下林當從之作晉中朝時，縣人有使者至洛，事訖將

還，忽有一人寄其書云：「吾家在觀前石間，懸藤卽

其處也。但扣藤自當，有人取之，使者謹依其言，果

有二人出外取書，并延入水府，衣不霑濡。言此似

不近情，然造化之中，無所不有。穆滿西遊，與河宗

水經注 卷三十八 二十四

論寶，以此推之，亦爲類矣。溱水又西南逕中宿縣

南，吳孫皓分四會之北，鄉立焉。

南入于海。

溱水又南注于鬱，而入于海。